



Inatsisartunut Ilaasortaq
Peter Olsen,
Inuit Ataqtigiit

**Namminersornerullutik oqartussani pisortat pillugit § 37 naapertorlugu
apqquteqaammut nr. 207-imut akissuteqaat**

Brevdato: 11-08-2016
Sags nr. 2016 - 12477
Akt id. 3329718
J.nr. 15.10

Asasara Peter Olsen

Inatsisartut suleriaasianni § 37, imm. 1 naapertorlugu apeqqutit ataani pineqartut saqqummiuppatit. Apeqqutit issuarneqarput ataasiakkaarlugillu akissuteqarfigineqarlutik.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Apeqqutigineqartut akisinnaanissaanut paasissutissat tamakkerlugit Aningaasaqarnermut Naalakkersuisoqarfimmit pigineqanngillat, taamaattumillu apeqqutigineqartunut 1-imut aamma 2-mut tunngatillugit suliffeqarfinnit namminersortitanit akissuteqarnissamut paasissutissanik pissarsiortoqarsimalluni. Apeqqutigisatit akisinnaajumallugittaaq Inuussutissarsiornermut, Suliffeqarnermut Niuernermullu Naalakkersuisoqarfimmit oqaaseqaatinik tigusaqartoqarpoq.

Aningaasaqarnermut Naalakkersuisoqarfik akissutissanik pissarsiarineqartunik katersisuuvoq.

Apeqqut:

- 1. Namminersorlutik Oqatussat suliffiutaanni imminut aquttuni katillugit qassinik pisortaqaqa, qaasinillu tullersorteqaqa?**

Namminersorneq pillugu inatsimmi § 1 naapertorlugu Namminersorlutik Oqartussat tassaapput inatsisiliortut (Inatsisartut) aammalu inatsisinik atortitsisut (Naalakkersuisut). Taamaattumik pisortani sorliit apeqquteqartumit apeqquteqarfigineqarnersut imaasiallaannaq takuneqarsinnaanngilaq. Naalakkersuisulli naatsorsuutigaat apeqqutigineqartut Naalakkersuisut qitiusumik allaffeqarfianut taakkulu ataanni suliffeqarfinnut kiisalu suliffeqarfinnut namminersortitanut taamaallaat tunngassuteqarsimassasut. Suliffeqarfiit Naalakkersuisoqarfiit ataani inissisimasut soorlu isumaginninnerup iluani ulloq unnuarlu paaqqinnittarfiit, inuussutissarsiutinut ilinniarfiit assigisaallu apeqqutigineqartunut akissuteqarnermi ilaatinneqanngillat. Tamatuma saniatigut peqqinnissaqarfimmut tunngasut ilaatinneqanngillat.

Tamanna tunngavigalugu Naalakkersuisut ilisimatitsissutigisinnaavaat Qitiusumik allaffeqarfimmi pisortat 93-iummata, paasissutissallu taakku 2016-imut aningaasanut

inatsit takuneqarsinnaapput. Pisortatut taagorneqartut tassaapput atorfillit akissaateqarfimmi 36-mi atorfinitsinneqarsimasut imaluunniit pisortatut atorfeqarnissamik isumaqatigiissuteqarfigineqarsimasut.

Suliffeqarfiit namminersortitat ima nalunaaruteqarput:

Nukissiorfiit: pisortatut atorfiit 17-it. Aaqqissuussamik tullersortitut atorfeqartitsisoqanngilaq.

Mittarfeqarfiit

- Mittarfeqarfimmi pisortat 13-it kiisalu ingerlatsinermut pisortat 13-it
- Mittarfinni akunniittarfiit 2-t Narsarsuarmi Kangerlussuarmilu. Akuniittarfiit akunnittarfimmi pisortamit ataatsimit hotelinspektørimllu ataatsimit ingerlanneqarput.
- Nuummi qullersaqarfimmi suliaasaqarfimmi assigiinngitsuni pisortatut atorfiit 6-iupput.
- Pisortatut atorfiit saniatigut IT-mut piortaq ataaseq, sillimaniarnermut tunngatillugu pisortaq ataaseq, CNS-imut pisortaq ataaseq (tullersorti ataaseq) kiisalu naatsorsuuserinermut pisortaq ataaseq atorfeqartinneqarput.
- Nukissiuutsinik sullissineq eqqarsaatigalugu pisortaq ataaseq Narsarsuarmi aamma pisortaq ataaseq Kangerlussuarmi atorfeqartinneqarput.

Asiaq: pisortaq ataaseq (direktør) & tullersortit 2-t (suliniutinut pisortaq aamma allaffeqarfimmi pisortaq)

2. Naalackersusunit paasissutissaatigineqarnerpa, qassit nunatsinni inunngor-simanersut, qallunaatut kalaallisullu oqaluttarnersut?

Sulisorineqartut sumi inunngorsimaneeri taakkulu ataasiakkaarlutik piginnaasaat Naalackersusunit nalunaarsorneqarneq ajorput.

Pisortat nalunaarsuisarnerat pillugu kalaallit inatsisaanni § 9 taamaallaat periarfissiivoq nalunaarsuisarnissamut paasissutissat "pisortat suliasaminnik suliarinnissinnaanissaanut tamanna erseqqissumik pisariaqartinneqarpat". Sumi inunngorsimaneq pillugu nalunaarsuisarneq sumi inunngorsimaneq naapertorlugu akissaasersuisarneq ukiut 25-it matuma siorna atorunnaarsinneqarneranut atatillugu atorunnaarpoq.

Nunatsinni inunngorsimasut akissaateqarfiit 35-ianit qaffasinnerusumik atorfeqarnersut qassiuneri paasiniarlugu Naatsorsueqqissaartarfiup kisitsisaatsiminik immikkut takussutissiisinaanissaa naatsorsuutigineqarpoq. Taamatulli immikkut takussutissiisinaanissaa pisariaqartutut isigineqarsimanngilaq aammalu takussutissiigaluarpalluunniit oqaatsitigut piginnaasanut tunngatillugu paasissutissat pissarsiarineqarsinnaanaviannngillat.

Suliffeqarfiit namminersortitat ima nalunaaruteqarput:

Nukissiorfiit: pisortatut atorfiit 4-t maani inunngorsimasunit kalaallisullu oqalussinnaasunit inuttaqarput,

Mittarfeqarfiit

Mittarfeqarfiit oqaatsitigut piginnaasat pillugit qitiusumik nalunaarsugaateqanngilaq, atorfinitsitsisarnerit piginnaasat aallaavigalugit ingerlanneqartarmata taamaattumillu apeqqutigineqartut tamakkiisumik akissuteqartinneqaratik.

Marluinnik oqaaseqarnermi pineqarpoq oqaatsit pineqartut atorlugit oqalussinnaaneq allassinnaanerlu. Mittarfeqarfiit-ini pisortat amerlanersaat assigiinngitsunik piginnaasaqarlutik qallunaatut kalaallisullu oqalussinnaapput.

Asiaq: Direktøri allattoqarfimmilu pisortaq nunaqavissuupput. allattoqarfimmi pisortaq maani inunngorsimasuuvoq marluinnillu oqaaseqartuulluni.

- 3. Naalackersuisut piviusorsiortuusorinerpaat ukiut qulit ingerlanerini anguni-assallugu Namminersorlutik Oqatussani kiisalu Namminersortut Oqatussat suliffiutaanni imminut aquttuni pisortat, tullersortaaasalu nunatsinneersunik piginnaaneqarluartunillu atorfeqartitisoqarnissaa. Naalackersuisut pivi-usorsiortuusorinerpaat ukiut ikinnerusut ingerlanerini tamanna anguneqarsinnaanersoq?**
- 4. Apeqqut 3 naaggamik akineqarpat, taava periarfissaqarnerpa Naalackersui-sut iliussissamik ilusiliisinaanissaat, tassani qulaani apeqqutigineqartoq anguniarlugu?**

Apeqqutit 3 aamma 4-p ataatsikkut akineqarneri.

Naalackersuisut apeqqut ilinniartitaanermut tunngassuteqartutut nalilerpaat pisortallu nunatsinni aallaaveqartut inuiaqatigiinni piginnaasatigut pitsaasumik ineriartorneq ilutigalugu amerliartussasut. Taamatut ineriartornerup ukiut qassit ingerlasinnaanissaa oqaatigineqarsinnaanngilaq. Apeqqut Naalackersuisunit pingaartinneqarpoq ilinniartitaanermullu tunngasuni aalajangiiffigisassanut ilaalluni.

Pisortat ingerlatsineranni ileqqorissaarnissaaq eqqarsaatigalugu tunngaviatigut malitassaaq tassaavoq atorfik inuttaqartinneqanngitsoq qinnuteqartumit piginnaasaqarnerpaamit inuttalerneqartussaasoq. Nunatta kulturianik, oqaasiinik inuiaqatigiinnilu pissutsinik allanik ilisimasaqarluarnissaaq uani pingaaruteqarpoq.

Atorfimmi pineqartumi suliassanut tunngatillugu qinnuteqartup suliatigut inuttullu pisinnaasai naliliiffigalugit piukkunneqarnerpaaq atorfinitsinneqartarpoq.

Oqartussaallutik atorfinitsitsisuusut taakkuupput atorfimmik inuttassarsiuussinermi ilusilersuillutillu qinnuteqartup pisinnaasaanut piumasaqartussat. Oqartussaasullu ataasiakkaat taakkuupput atorfinitsitsinermut ataatsimiititaliaq peqatigalugu qinnuteqartup pisinnaasaanik naliliisussat, taakkununga ilanngullugit oqaatsinik piginnaasaqarneq kiisalu kulturitsinnut inuiaqatigiussutsitsinnullu ilisimasaqarneq.

Inatsisartut UPA2016/36-imik akuersereernerisa kingorna Naalackersuisut UPA17-imi saqqummiunneqartussamik nalunaarusiamik suliaqarlutik aallartipput, tassani ersersinniarneqassallutik pisortani atorfinitsitsinernut atatillugu kalaallit oqaasiisa, kulturiata inuiaqatigiinnilu pissutsit allat ilisimasaqarfigineqarnissaasa qanoq iliornikkut qulakkeerneqarsinnaanersut. Immikkoortumut pineqartumut tunngatillugu akissuteqaami takuneqarsinnaasutut Naalackersuisut suliamut tassunga ilaatillugu nalilerniarpaat inuit piginnaatitaaffii eqqarsaatigalugit Kalaallit Nunaata pisussaaffii eqqarsaatigalugit inuiaqatigiittut suut alaatsinaaffigisariaqarlugillu akuutittariaqarnerisigut, tassunga ilanngullugit ikinnerussuteqartut oqaatsit atugaasa illersorneqarnissaanut piussaaffiit aammalu immikkoortitseqqusinnginnermut tunngasut isumaqatigiissutit pisussaaffiliisut ilanngullugit eqqarsaatigalugit.

5. Apeqqummi normu 3-mi angunianeqartoq anguniassagaanni, Naalackersui-sut naatsorsuutigaat pisortassatut pikkorissarnerni aningaasartuutissat qanoq annertutigisut pisariaqartinneqassanersut?

Naalackersuisut nalilerpaat ilinniartitaanikkut tamakkiisumik suliniuteqarnissaq aqqutissaasoq. Pisortat piginnaangorsarneqarnissaanut aningaasartuutissat taamaasiinnarlugit naatsorsorneqarsinnaanngillat.

6. Naalackersuisut apeqqummut matumunnga tunngassuteqarsinnaasumik allamik iluatsillugu paasissutissiisinnaanerpat?

Naalackersuisut paasissutissanik annertunerusumik pigisaqanngillat.

Inussiarnersumik inuulluaqqusillunga
Med venlig hilsen

Randi V. Evaldsen